

Date – 24/05/2026

Time - 7:30 -7:40 Hrs

AKASHVANI AIZAWL

REGIONAL NEWS BULLETIN

HEADLINES (MORNING)

1. Art & Culture Minister Pu C. Lalsawivunga chuan khawvelah thiamna a hlu tawlh tawlh dawn a, zirchhuak satliah ni lo, thiamna tak tak nei tura zirchhuah a ngai tih a sawi.
2. CYMA President Pu R. Lalingheta chuan YMA chuan ruihhlo ti te lakah indo an puang tih a sawi.
3. Sorkar hnathawk rawih nawn chungchangah Joint Hnampual Students' Union (JHSO) chuan Mizo Zirlai Pawl (MZP) hmalakna chu an thlawp tlat tih an tarlang.
4. United States Secretary of State Marco Rubio chuan India a tlawh.

<><><>

ART & CULTURE

Art & Culture Minister Pu C. Lalsawivunga chuan khawvelah thiamna a hlu tawlh tawlh dawn a, zirchhuak satliah ni lo, thiamna tak tak nei tura zirchhuah a ngai tih a sawi.

Minister hian nimin khan Bethlehem Vengthlang Branch YMA ten an veng chhunga pawl 10 leh pawl 12 pass thar mi 217-te lawmpuina hun Gospel Centenary Hall, Bethlehem Venglai Kohhran-a an buatsaih a hman pui a. Pu C. Lalsawivunga chuan Competition a san tawh avangin a thiam thiam an tling tawh a. Induhsak theih a ni tawh lova, Chief Minister pawhin he sorkar-ah hian duhsak a nei thianga lova, a thiam thiam tlinna, merit-in sorkar a kal tawh a ni,' a ti a. Tunlai thiamna changkang leh hmanruate hmang thiam tura zirlaite fuihin, 'Mobile phone te hi milem duk dak lo enna tur a ni ringawt lova, kan zirlai min puitu atan tangkai taka hman kan tum tur a ni zawk," a ti.

Pu C. Lalsawivunga chuan, 'Sorkar hna a vang tial tial a, hemi avang hian sorkar chuan entrepreneur lam a ngai pawimawh a, bana kaih policy hmangin thalaite bul a tanpui mek a, hlawhtlinna hmu tan chho mekte pawh an awm tawh a ni. Mihringten thiam thil hrang hrang kan nei a, tum nei rana lehkha zirin mahni inhaichhuaka hlawhtlinna chang ngei tura rilru kan sen a ngai tawh' a ti bawh.

Bethlehem Vengthlang Branch YMA huam chhungah hian HSLC exam-ah mi 127-ten pass-in mi 90-ten HSSLC an pass a, top 10 a tling phak pahnih an nei bawka ni.

<><><>

CYMA

CYMA President Pu R. Lalnggheta chuan YMA chuan ruihhlo ti te lakah indo an puang tih a sawi.

Nimin tlai khan Vanapa Hall-a Central YMA leh India Formosa Foundation tangkawp chuan Central YMA hnuai Group leh Branch hrang hrang bakah, Central YLA, MTP leh Assam Rifles te hnenah Oxygen Concentrator 500 an hlan a, he hunah hian Pu R. Lalnggheta chuan Mizoram hmun hrang hranga YMA hruaitu te chu huaisen taka ruihhlo do turin a chah a, a tul a nih chuan Mizoram chhan nana tuar ngam turin a fuih a, ruihhlo vangin thalai tam takin an chhiat phah a, chuvangin ruihhlo chu na taka do ngam a hun tawh tih a sawi a ni.

Tun tuma Oxygen Concentrator 500 te hi Mizoram chhung leh Assam, Tripura, Manipur- a YMA Branch thlan chhuahte bakah YLA leh MTP branch thenkhatten a hmunah hian an dawng nghal a. Zuangtui Branch YMA chuan an dawn tur hi Tripura Behliangchhip Branch te an kian a ni.

<><><>

JHSO

Sorkar hnathawk rawih nawn chungchangah Joint Hnampual Students' Union (JHSO) chuan Mizo Zirlai Pawl (MZP) hmalakna chu an thlawp tlat tih an tarlang.

Nizana thuchhuah an siama an tarlan danin, DP&AR (Civil Service Wing) in May ni 22, Zirtawpni a Mizoram Tourism Director charge la tura Pi R. Lalrodingi a ruatna Order chhuah nawn chungchangah Joint Hnampual Students' Organisation (JHSO) chuan tha a ti lo hle a, hetiang thil hi thleng nawn tawh lo se an ti a ni.

JHSO chuan Mizoram Tourism Director chungchanga MZP hmalakna chu an thlawp a, a tawp thlengin an lamah an tang dawn tih an tarlang bawka ni.

<><><>

MZP

Mizo Zirlai Pawl MZP chuan sorkar hnathawk pension tawh department pakhat director ni tura rawih nawn chu tha lo an tiin an dodal tlat dawn tih an sawi.

MZP chuan Mizoram sorkarin Tourism director hna chelh tura sorkar hna atanga pension tawh Pi Lalrodingi a ruat nawn chu sut leh ngei turin Mizoram sorkar an ngen a. MZP president Pu C Lalremruata chuan sorkar hna atanga a pension hnuai sorkar-in Officer on Special Duty to the Chief Minister atana a ruat Pi Lalrodingi chu a hna pangngai bakah Tourism Director hna chelh tel tura ruatna order sorkarin a tichhuak chu mak an tih thu a sawi a; sorkarin mi pakhat duhsak bik a nei chu pawl an tih thu leh he order hi sut leh ngei tura sorkar an ngen thu a sawi.

Tun thla ni 13 khan MZP hruaituten Chief Minister Pu Lalduhoma chu hemi chungchangah hian an kawm a, director atana pension tawh rawih nawn an duh loh thu an hrilh thu leh Chief Minister chuan ngaihtuah nawn leh a nih tur thu ziakin MZP-te a pe tih MZP President chuan a sawi a ni.

MZP president chuan sorkar hnathawk pension tawhte rawih nawn dan hrang hrang - adviser, consultant leh OSD-te chu an sawisel loh thu a sawi rualin, department pakhat direcor tura mi pakhat duhsak bik a ni chu tha lo an tih thu leh an dodal tlat dawn thu a sawi a ni.

(BYTE)

Puan tawh angin Pi Lalrodingi hi Sorkar hna atanga a pension hnuah Mizoram Sorkar chuan rawih nawnna Order a tichhuak a. Hei hi Mizo Zirlai Pawl in na taka an dodal hnuah Sorkar-in Officer on Special Duty to the Chief Minister ah chiah dah a ni a, nimin khan a hna chanpual bakah Tourism Director hna hi pek belh a ni.

Nimin tlai a MZP Meeting chuan Tourism Director charge la tura Pi R Lalrodingi ruat a ni chu Mizoram mipuite leh zirlaite zah lohnaah ngaiin, he thuchhuah hi sut a nih hma chuan na takin dodal zel ni se an ti a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

BLOOD DONATION

Champhai Sub-hqrs.YMA leh Association for Voluntary Blood Donation tangkawp te hmalaknain nimin khan, a mamawh apiangin an hman turin Khawbung, Khuangthing, Zawlsei, Dungtlang leh Bungzung khuaa YMA Branch hrang hrang member ten Champhai District Hospital Blood Bank a dah turin Khawbung Community Hall-ah thisen an pe.

Thisen petute hi mipa 42 leh hmeichhia 5 ten thisen Unit khat theuh, an vaiin thisen Unit 47 an pe. Champhai District hospital blood bank a thawktuten Khawbung khuaah kalchilhin an thisen hi an laksak a ni.

(Lalhlupaia, Champhai PTC)

<><><>

US

United States Secretary of State Marco Rubio chuan India a tlawh. India a tlawh chung hi ni li awh tur a ni a, Prime Minister Narendra Modi chu White House-ah kal turin a sawm bawk.

Zirtawpni ah India lo thlengin, India-in Russia oil a lei avanga Washington leh New Delhi inkara inzawmna siamthat dan tur ngaihtuah a ni ang.

Chubakah chuan Energy security chungchang te sawiho a ni dawn a, a bik takin Iran-a US leh Israel indona leh Tehran-in Strait of Hormuz a khar avanga India in a tawrhna te chu ngaihtuah ho a ni dawn bawk a ni.

<><><>